


Buskeda di Natalee

Yamada pa companianan duna ayudo cu Heavy-Equipment



Buscando mas Heavy-Equipment pa yuda!

ORANJESTAD (AAN): E buskeda riba Dump di Parkietenbos a sigui. Esaki a bin despues cu un testigo a indica cu el a mira dos homber benta algo cu ta parece un curpa humano, net dos dia despues cu Natalee a

desaparece.

Pero e buskeda pa Polis y voluntarionan, ta uno hopi dificil. E grupo cu ta buscando eyriba, te cu awor ta dispone di solamente un equipo pisa, esta un "Backhoe" pa yuda nan den e buskeda.

Pero pa e trabao por bay mas rapido, tin mester di mas Heavy-Equipment. Pa tal motibo DIARIO ta haciendo un suplica na companianan local, kendenan ta dispuesto pa haci "donacion" den forma di 1 ora of mas di trabao di cualkier Tractor, Backhoe, of equipo pisa.

Companionan cu por yuda den esaki, ta ser pidi pa contact DIARIO na 582-6747 awe mes, pa asina tur esaki por worde coordina.

**BUSKEDA SIN EXITO
DEN SALIÑA**

Despues cu e nivel di awa a baha hopi, esnan encarga cu e buskeda a haci nan trabao. A haci uso di equipo di radar pa detecta den tera. Como tambe a check tur lugar cu por ta simboliza un potencial graf.

Delaster un area eybanda a worde controla, pero nada positivo.

Asina pues, ya Diasabra den oranan di atardi, tabata parce cu e buskeda na e saliña pabao di Rooi Santo no a sigui mas. Esey ta indicacion cu e trabao a yega un fin eynan. Nan no a haya nada.

Awor e grupo di e.o. Texas EquuSearch tambe ta enfocando na Dump. Nan ta usando e cachonan special tambe.

**BUSCANDO CAMBER
PA 3 CACHO**

Tin 3 cacho special na Aruba aworaki. Uno ta bin di Pennsylvania, uno di Maryland, y tambe uno di Florida. E grupo di voluntario di Texas EquuSearch tabata hospedando na Brickel Bay Resort, gratuitamente pa cortesía di gerente, cu tabata hopi bon. Sinembargo como cu un grupo grandi di turista ta bay drenta pronto den e Hotel ey, e ora e grupo di Texas EquuSearch ta perdiendo nan camber.

E ta un situacion dificil, como cu e grupo ta buscando otro Hotel of lugar pa nan keda hospeda cu nan cachonan. E buskeda ta pa un Hotel of lugar cu ta dispuesto pa haci "donacion" di e cambernan, y cu ta permiti cacho tambe.

Aunke nan mester di 4 pa 5 camber, tog Texas EquuSearch mester di idealmente DOS camber pa e cachonan.

Si tin cualkier Hotel, Inn, of persona cu Apartamento bashi, y kendenan ta dispuesto pa haci donacion

pa laga e cachonan aki cu nan handler bin keda, ta ser pidi pa contact DIARIO na 582-6747. Di e forma aki, e informacion lo worde pasa over pa Texas EquuSearch.

**BETH BACK
NA ALABAMA**

Mientras tanto den fin di siman, mama di Natalee, esta Beth Holloway Twitty, a regresa Alabama indefinitivamente. Segun un informe na CNN, hecho ta cu Beth Holloway Twitty lo regresa Aruba si acaso tin desaroyo nobo den e caso di su yiu muher.

Famianan a bisa cu tabata hopi dificil pa Beth a subi avion y bandona e isla, sin cu e sa unda y kico a pasa cu su yiu. Pero e tin plan di regresa Aruba pronto, pa asina e investigacion "keda su rumbo".

Te cu awor, tin un recompensa di \$1 miyon pa cualkier hende cu trece Natalee bibo, of \$100.000 pa informacion cu ta resolve e misterio.

Autoridad ta pidi pueblo yuda haya e keds di Joran


ORANJESTAD (AAN): Recherchenan encarga cu e caso di Natalee, keto bay ta trahando alma y cuerpo pa solucionan e caso cu ta bayendo ya na di dos luna caba cu ainda no a keda resolvi.

Manera ta bon conoci, e caso di Natalee a haya un cobertura mundial, y cada tanto minuut, canalnan di TV Mericano ta trece riba nan pantaya informenan di e ultimo ora relaciona cu e caso.

Te na e momentonan aki tin un solo persona deteni como sospechoso. Ta trata di hoben Joran van der Sloot di 17 aña, kende ta encarcela den prison di KIA.

Recien e team investigador pa medio di vocero policial sr. Papito Comenencia a duna di conoce cu nan ta buscando keds size 14 color blauw y blanco di e marca K.Swiss.

E keds aki ta pertenece na Joran Van der Sloot, y el a worde laga atras na altura



Buscando keds blauw y preto di Joran.

Fisherman's Hut den cercania di Marriott Aruba Resort.

Cualquier persona cu lo por tin esaki den su poder pa entrega esaki warda di polis Bubali 86-B na e Team Investigador. E keds ta suma importante relaciona cu e investigacion cu ta andando relaciona cu e desaparicion di Natalee Holloway.

E potret aki NO ta esun cu ta worde busca, pero DIARIO ta pone pa asina pueblo mira ki tipo di diseño mas o menos e keds di marca K.Swiss ta.